

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Aningaasaqarnermut tunngasut**

- Imm. 04** Innarluutilinnut inissiassat pillugit missingersuutitigut naqqiuteqarneq.
- Imm. 05** Suliniutit pillugit missingersuutitigut iluarsiiissutit.
- Imm. 06** Akileraarutitigut isertitat appariartornerisa kingunerisaanik isertitassamaatinut immikkut aningaasaliissutit amigarnerat.
- Imm. 07** 2015-imut missingersuutissat ukiunullu 2016-imiit 2018-imut missiliuutissat siul-  
lermeerneru.

**Suliassat nalinginnaasut**

- Imm. 08** Sisimiuni angerlarsimaffimmi paarsisartut atorunnaarsinneqarnissaat.
- Imm. 09** Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut inatsisaat nr. xx xx 201x-imeersumut siunnersuut pillugu tusarniaanermut oqaaseqaatit
- Imm. 10** Konto 18 pillugu kiisalu nutarterinissamik, Qeqqata Kommunianilu nunaqarfimmi aqutsisut akisussaaffii pillugit Kangaamiuni nunaqarfimmi aqutsisunit siunnersuut.
- Imm. 11** Kangaamiuni illoqarfittut/nunaqarfittut ikinnguteqarpoq pillugu.
- Imm. 12** Kangerlussuarmi umiarsualivik nutaaq.
- Imm. 13** Apeqquteqaat – Utoqqaat nunanut allanut angalasarneranut piumasaqaatit.
- Imm. 14** Apeqquteqaat – Eqalunniarneq pillugu ileqqoreqqusaq qaqugu atuutilissanersoq.

**Paasissutissiissutit**

- Imm. 15** Akiani A22-p, A23-p aamma A27-p sanaartorfigissaaneq. Paasissutissiineq Suliariumannittussarsiuussinerup inerneru
- Imm. 16** Tamalaat.



Ataatsimiinneq Sisimiuni kommunalbestyrelsip ataatsimiittarfiani ingerlanneqarpoq aallartillunilu nal. 8:30

*Peqataasut:*

***Atassut***

Bitten Heilmann  
Tønnes Kreutzmann  
Mette Sofie Lerch  
Jan Boller

***Inuit Ataqtigiiit***

Agathe Fontain  
Malene Ingemann

***Siumut***

Hermann Berthelsen  
Gedion Lyberth  
Karl Lyberth  
Hans Frederik Olsen  
Marius Olsen  
Aqqalu Skifte  
Klaus R. Berthelsen  
Alfred Olsen taarserlugu Jakob Olsen  
Ole Petersen taarserlugu Evelyn Frederiksen

*Nalunaaruteqarlutik peqataanngitsut:*

Jakob Olsen  
Evelyn Frederiksen

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Agathe Fontainip matoqqasuni imm. 3 siunnersuutigivaa ammasunut nuunneqassasoq, amerlanerit aajangerpaat matoqqasuniiginnassasoq.

Tamalaani ilanngukkusutat:

Alfred Olsen: atuarfinni Ipad-imik antennelersorneqarneq pillugu.  
Malene Ingemann: Kanukoka-mut tunngasoq.

Oqaluuserisassat akuersissutigineqarput.

**Imm. 02 Borgmesterip nalunaarutaa**

**Aalajangiineq**

Borgmesterip nalunaarutaa oqaaserineqartut ilanngullugit tusaatissatut tiguneqarpoq.

**Imm. 03 Ataatsimiititaliani siulittaasut nalunaarutaat**

**Aalajangiineq**

Ataatsimiititaliat siulittaasuisa nalunaarutaat oqaaserineqartut ilanngullugit tusaatissatut tiguneqarput.



**Imm. 04 Innarluutilinnut inissiassat pillugit missingersuutitigut naqqiuteqarneq**  
*Journal.nr.*

Tunuliaqutaq

2015-imut Aningaasanut inatsisissatut siunnersuutitigut Sisimiuni Maniitsumilu innarluutilinnut inissiassanut 16-iusunut 12.032.000 koruuninik aningaasaliisoqarnissaa ilanngunneqarpoq.

2014-p aasaanerani utoqqaat inissiassaasa sanaartorneqarnissaannut immikkut aningaasaliissutit akuerineqarmata nalunaarutigineqarpoq, innarluutilinnut inissiassanut tunngatillugu assingusumik unammillernartoqartoq. Utoqqaat inissiassaannut tunngatillugu akerlianik innarluutilinnut inissiassat pillugit pilersaaruserneq pingaannginnerutinneqarsimavoq, taamaattumillu innarluutilinnut inissiassat aatsaat 2015-imi aallartinneqarnissaat naatsorsuutigineqarluni.

Maleruagassatigut tunngavissat

Immikkut aningaasaliissutit kommunalbestyrelsimit akuerineqartussaapput.

Pissutsit piviusut

Akilerartarnikkut isertitat appariartorneri tunuliaqutaralugit kommunip aningaasaatai atoriaannaat erloqinartorsiutaanerisa kingunerisaannik, annaasanut taartigalugu sipaarniarfissanik nassaartoqartariaqarpoq. Aallaqqaasiutigalugu 2014-imut innarluutilinnut inissiassanut aningaasaliissutit ilanngaavigineqarsinnaapput, ukiunullu missiliuuteqarfiusunut ilanngunneqarlutik, pissutigalugu illoqarfinni utoqqaat inissiassaasa sanaartorneqarnerini illulioriaatsini marluusuni taakkunani pingaarnerutinneqartarsimammat.

Atuilluuntuunissakkut kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Innarluutilinnut inissiassanut aningaasaliissutit 2014-imi 8 mio. koruuninik ilanngaavigineqarsinnaapput, ukiumili missiliuuteqarfiusumi 2016-imi aningaasaliissutinut 20 mio. koruunit ilanngunneqassallutik. Assigiinngissut innarluutilinnut inissiassanut kukkunikkut agguaqatigiissillugu kvadratmeter naapertorlugu 56 m<sup>2</sup>-imik angissuseqartinneqarsimanerannik peqquteqarpoq, inissiali maannakkut pilersaarutigineqartut agguaqatigiissillugu 80 m<sup>2</sup>-mik angissuseqarnissaat naatsorsuutigineqarluni.

Innarluutilinnut inissiassanut tunngatillugu 2014-imi 12,3 mio. koruuninik immikkut aningaasaliisoqarnissaa pisariaqartinneqarpoq, agguataarluguli 2014-imi annikinnerusumik aningaasaliisoqartariaqarluni, 2016-imilu annertunerusumik aningaasaliisoqartariaqarluni.

Aningaasaliissutit allissutaa **12.256.000 koruunit**

Tamanna illoqarfinni marlunni missiliuutigineqarsimmat  
inissiat 16-it 80 m<sup>2</sup>-mik angissuseqassasut, inissiaq ataaseq  
m<sup>2</sup>-erimut 22.000 koruuninik akeqartassalluni = 56.320.000 koruunit

2014-2015-imi aningaasaliissutinut ---- ilanngaavigineqassallutik 20.000.000 koruunit

Namminersorlutik oqartussanit aningaasaliissut  
2 x 12.032.000 ilanngaavigineqassallutik = 24.064.000 koruunit



**Kommunalbestyrelsip septembarip 25-ani 2014-imi ileqquusumik ataatsimiinnera 05/2014  
imaqarniliornera**

**Aningaasaliissut 2014 innarluutilinnut inissiassat**

<b>Konto-p normua</b>	<b>Konto-p taaguutaa</b>	<b>Aningaasaliissut</b>	<b>Tapiissut</b>	<b>Aningaasaliissut nutaaq</b>
70-55-10-50-61	Sisimiuni Innarluutilinnut Inissiassat	9.500	-7.500	2.000
70-55-10-82-01	Sis. Innarluutilinnut Inissiassat utertitsineq	-4.500	3.500	-1.000
70-55-20-50-61	Maniitsumi Innarluutilinnut Inissiassat	9.500	-7.500	2.000
70-55-20-82-01	Man. Innarluutilinnut Inissiassat utertitsineq	-4.500	3.500	-1.000
	<b>Katillugit</b>	<b>10.000</b>	<b>-8.000</b>	<b>2.000</b>

**Aningaasaliissut 2015 innarluutilinnut inissiassat**

<b>Konto-p normua</b>	<b>Konto-p taaguutaa</b>	<b>Aningaasaliissut</b>	<b>Tapiissut</b>	<b>Aningaasaliissut nutaaq</b>
70-55-10-50-61	Sisimiuni Innarluutilinnut Inissiassat	9.500	0	9.500
70-55-10-82-01	Sis. Innarluutilinnut Inissiassat utertitsineq	-4.500	0	-4.500
70-55-20-50-61	Maniitsumi Innarluutilinnut Inissiassat	9.500	0	9.500
70-55-20-82-01	Man. Innarluutilinnut Inissiassat utertitsineq	-4.500	0	-4.500
	<b>Katillugit</b>	<b>10.000</b>	<b>0</b>	<b>10.000</b>

**Aningaasaliissut 2016 innarluutilinnut inissiassat**

<b>Konto-p normua</b>	<b>Konto-p taaguutaa</b>	<b>Aningaasaliissut</b>	<b>Tapiissut</b>	<b>Aningaasaliissut nutaaq</b>
70-55-10-50-61	Sisimiuni Innarluutilinnut Inissiassat	0	16.660	16.660
70-55-10-82-01	Sis. Innarluutilinnut Inissiassat utertitsineq	0	-6.532	-6.532
70-55-20-50-61	Maniitsumi Innarluutilinnut inissiassat	0	16.660	16.660
70-55-20-82-01	Man. Innarluutilinnut Inissiassat utertitsineq	0	-6.532	-6.532
	<b>Katillugit</b>	<b>0</b>	<b>20.256</b>	<b>20.256</b>

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, 2014-imut eqqortumik missingersuuteqassappat, missingersuutitigut iluarsiissutissatut taakkartorneqartut pisariaqartut.



***Kommunalbestyrelsip septembarip 25-ani 2014-imi ileqquusumik ataatsimiinnera 05/2014  
imaqarniliornera***

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 16-ani 2014 ataatsimiinnermini innersuussut akuersissutigivaa.

**Innersuussut**

kommunalbestyrelsimut innersuutigineqarpoq

Innarluutilinnut inissiassanut tunngatillugu aningaasaliissut qulaani taakkartorneqartutut iluarsiiisuteqartoqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Soqanngilaq



**Imm. 05 Suliniutit pillugit missingersuutitigut iluarsiiisutit**

*Journalnr.*

Tunuliaqutaq

2014-imut missingersuutitigut ukiunullu missiliuuteqarfiusunut NORA aamma atuilluartuunissaq pillugu suliniut kukkunikkut aningaasaliiffigineqarsimapput.

Maleruagassatigut tunngavissat

Immikkut aningaasaliissutit kommunalbestyrelsimit akuerineqartussaapput.

Pissutsit piviusut

Suliniutinut aningaasaliissutit marlussuit kukkunikkut 2013-imiit 2014-imut ingerlatiinnarneqarsimapput.

Uani pineqarpoq suliniut NORA, suliniutit annertuut pillugit aningaasaliissutit 50.000 koruuniusut. Suliniut juni 2013-imi Aukra-i ataatsimiititsinermik naggaserneqarpoq, tassani aallartitat Kommuneqarfimmik Aqutsisunit pisortaqarfimmeersullu peqataapput.

Uani pineqarpoq avatangiisitta pissarititaanik atorluaanermik suliniut, aallarniutaasumik suliniummi aningaasaliissutigineqaqqaartoq 0,4 mio. koruuniulluni, taakkaa 2013-imiit ingerlateqqitaallutik, tassa avatangiisitta pissarititaanik atorluaanermik suliniut maannakkut immikkut ittumik ukiumut 2,5 mio. koruuninik ingerlatitseqqiffigineqarluni aningaasaliivigineqartaraluartoq.

Atuilluartuunissakkut kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Eqitsit tullunnguuttoq naapertorlugu iluarsiiisuteqartoqartariaqarpoq.

**Aningaasaliissutit 2014-2018**

<b>Konto-p normua</b>	<b>Konto-p taaguutaa</b>	<b>Aningaasaliissut</b>	<b>Tapiissut</b>	<b>Aningaasaliissut nutaaq</b>
37-01-10	Suliniut NORA	50	-50	0
37-01-11	Avatangiisitta pissarititaanik atorluaanermik suliniut	2.900	-400	2.500
	Katillugit	<b>-2.950</b>	<b>-450</b>	<b>-2.500</b>

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, 2014-imut eqqortumik missingersuuteqassappat missingersuutitigut iluarsiiisutissatut taakkartorneqartut iluarsiiisutigineqartariaqartut.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 16-ani 2014 ataatsimiinnermini innersuussut akuersissutigivaa.



**Innersuut**

kommunalbestyrelsimut innersuutigineqarpoq suliniutitut aningaasaliissutitut iluarsiiisutit 2014-2018-imut missingersuutitut ikkussuunneqassasut

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Soqannilaq



**Imm. 06 Akileraarutitigut isertitat appariartornerisa kingunerisaanik isertitassamaatinut immikkut aningaasaliissutit amigarnerat**

*Journalnr.*

Tunuliaqutaq

Akileraartarnermut Aqutsisoqarfiup allakkatigut 28. juni 2014-imeersutigut oqaatigaa, Qeqqata Kommuniani akileraartarnikkut isertitat appariartortut, missingersuutigineqartorlu akileraarutitigut nalimmassaarutaasussaq 297 mio. koruuniniit 309 mio. koruunit tungaannut annertutigissasoq. Taamaammat Akileraartarnermut Aqutsisoqarfiup siunnersuutigaa, 2014-imi ukiup affaanut kingullermut akiliigallarnermut naatsorsukkat qaammammut 1 mio. koruuninik appaavigineqassasut, katillugit 6 mio. koruuniussanik, taamaalilluni maannakkumut pilersaarutitit aningaasaliissutigineqartutuullu 312 mio. koruuniunatik, 2014-imut tunngatillugu akiliigallarnermut naatsorsukkat katillutik 306 mio. koruuniussallutik.

Maleruagassatigut tunngavissat

Aningaasaqarnermut ataatsimiititap inuinnaat akileraarutaasigut isertinneqartartut akisussaaffigai, taakkua kommunip kontoni pilersaarutaani konto 80-imi inissisimapput. Immikkut aningaasaliissutit Kommunalbestyrelsimit akuerineqartussaapput.

Pissutsit piviusut

Akileraarutitigut isertitat appariartornerat Kalaallit Nunaanni aningaasatigut appariartortoqarneranik peqquteqarpoq, tamannalu aatsitassarsiorderup annertuumik appariaateqarneranik patsiseqarluni. Ukiualunni aatsitassarsiorderikkut ujaasineq suliffissanik pilersitsisarsimavoq, tamannalu 2010-ip 2011-illu akornanni uuliasiorluni qillerisoqarnerani sualunnerpaajusimalluni, tamannali aamma nunami aatsitassanik ujaasinermik peqquteqarsimalluni.

Atuilluartuunissakkut kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Akileraarutitigut isertitanut 6 mio. koruunit immikkut aningaasaliissutigineqassapput.

Konto-p normua	Konto-p taaguutaa	Aningaasaliissut	Tapiissut	Aningaasaliissut nutaaq
80-01-00-90-01	Inuinnaat akileraarutaat	-312.000	+6.000	-306.000

Inuiaqatigiinni aningaasatigut appariartorneq kommunip aningaasaqarniarnera marloriaammik erloqinartorsiortippaa. Ilaatigut akileraartarnikkut isertitat peqqutaapput, ilaatigullu suliffissaqartitsiniarnermi pisortatigullu ikiorsiisarnermi aningaasartuutit qaffakkiartornerat peqqutaallutik.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, aningaasatigut inissisimaneq akileraarutitigullu isertitat appariartortut peqqutigalugit piffissami aggersumi immikkut ittumik aningaasatigut sukangasuumik aqutsisoqarnissaa pisariaqartoq.



***Kommunalbestyrelsip septembarip 25-ani 2014-imi ileqquusumik ataatsimiinnera 05/2014  
imaqarniliornera***

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 16-ani 2014 ataatsimiinnermini innersuussut akuersissutigivaa.

**Innersuussut**

kommunalbestyrelsimut innersuutigineqarpoq.

2014-imut aningaasaliissutini inuinnaat akileraarutaat negativimik 6 mio. koruuninik tapiliussatut aningaasaliissuteqartoqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Soqanngilaq



**Imm. 07      2015-imut missingersuutissat ukiunullu 2016-imiit 2018-imut missiliuutissat siul-  
lermeerneru.**

*Journalnr. 06.01.01*

Tunuliaqutaq

Aningaasaqarnermut ataatsimiititaliaq 2014-imi apriliip 22-ani ataatsimiinnermini, 2015-imut missingersuutissatigut ukiunullu missiliuuteqarfiusussanut piffissaliussatut pilersaarutit kiisalu 2015-imi missingersuutissatigut aningaasatigut killiliussassat aalajangiiffigivai.

Politikkikkut partiit, ataatsimiititaliat nunaqarfinnilu aqutsisut 2015-imut missingersuutissatigut, ukiunullu missiliuuteqarfiusunut kissaatiminnik 2014-imi juunip 19-iani tunniussa qarput, kommunalbestyrelsilu missingersuusiornermut atatillugu 2014-imi aggustip 27-ani isumasioqatigiisitsilluni.

Maleruagassatigut tunngavissaq

Kommunit missingersuusiortarnerat, aningaasanik tigorianaateqarnerat, naatsorsuutaat, kukkurnersuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq.

Qeqqata Kommuniata karseqarnermut naatsorsuuserinermullu malittarisassai.

Pissutsit atuuttut

Aningaasaqarnermut ataatsimiititaliaq 2014-imi apriliip 22-ani ataatsimiinnermi, 2015-imut missingersuutitigut, ukiunullu 2016-imiit 2018 tikillugu missiliuuteqarfiusunut killiliussassat aalajangersarpai.

Tamatuma malitsigisaanik 2014-mut atatillugu immikkut aningaasaliissutit nuutsinerillu ataasiakkaat kommunalbestyrelsip akuersissutiginiuuai, tamakkulu aamma 2015-imut missingersuutinut ukiunullu missiliuuteqarfiusunut sunniuteqartussaallutik. Avatangiisinut tunngatillugu isertitanut missingersuutit iluarsiiisuteqarfiginerini, Nukissiorfimmu kissamik pilersuinermi akigititaq kommunimit aalajangersarneqarneq ajortoq, kukkusumik konto 68-05-imi akuallaavimmi akiliutit qaffanneqarsimanerat allaffeqarfiup iluarsiiisuteqarfigaa. Tamatuma saniatigut kommunalbestyrelsip akuersissuteqarfiginikuusaannut suliffeqarfinnut namminersortunut suliariumannittussarsiuussereernermi isumaqatigiissutit kingunerisaat allaffeqarfiup ilanngunnikuuai.

Iluarsiiisutit tamakku iluarsiiisutigereerlugit, 2015-imut missingersuutissatigut, taamatullu ukiuni missiliuuteqarfiusuni 2016-imiit 2018 tikillugu siunnersuutit tulliuttutut isikkoqalerput:

**Kommunalbestyrelsip septembarip 25-ani 2014-imi ileqquusumik ataatsiminnerna 05/2014  
imaqarniliornera**

Konto	Kontop taaguutaa	Miss. siunn. 2015	Missiliuutit 2016	Missiliuutit 2017	Missiliuutit 2018
1	Allaffissorneq	97.813	97.813	97.813	97.813
2	Teknikki avatangiisillu	37.012	37.012	37.012	37.012
3	Suliffissaqartitsiniarneq inuutissarsiutillu	26.949	26.949	26.949	26.949
4	Isumaginninnermut tunngasut	200.441	200.441	200.441	200.441
5	Ilinniartitaaneq kulturilu	221.627	222.266	222.266	222.266
6	Pilersuineq	3.718	3.718	3.718	3.718
	<b>Ingerlatsineq katillugit</b>	<b>587.560</b>	<b>588.199</b>	<b>588.199</b>	<b>588.199</b>
7	Sanaartorneq katillugit	57.829	15.500	17.000	14.000
	<b>Aningaasartuutit katillugit</b>	<b>645.389</b>	<b>603.699</b>	<b>605.199</b>	<b>602.199</b>
8	Isertitat	-625.738	-625.738	-625.738	-625.738
	<b>Ingerlatsinermi angusat</b>	<b>19.651</b>	<b>-22.039</b>	<b>-20.539</b>	<b>-23.539</b>
9	Killiffimmi nikingassut	7.980	5.000	5.000	5.000
	<b>Oqimaaqatigiissitsineq</b>	<b>27.631</b>	<b>-17.039</b>	<b>-15.539</b>	<b>-18.539</b>
	Ukiup aallartinnerani uninngasuutit (1)	-19.214	-46.845	-29.806	-14.267
	Ukiup naanerani uninngasuutit	-46.845	-29.806	-14.267	4.272

(1) 2014-imi aggustip naanerani kommunalbestyrelsimi akuersissutaasimasut aallaavigalugit ukiup aallartinnerani pigisassat

2015-imut missingersuutit karsimiittuutitigut amigartoorutaasussatut isikkoqarnerat oqaatigineqasaaq, tamannalu ingerlatsinikkut sanaartukkatigullu aningaasartuutissat 5 procentiinik karsimiittuuteqarnissamik siunertamut naapertuutinnigilaq.

### Missingersuutissatut siunnersuummut allannguutit

Akileraartarnermut aqutsisoqarfiup allakkatigut 2014-imi aggustip 14-ianeersutigit paasissutissiissutigaa, kommuni 2013-imi 310.800.000 koruuninik siumut tigusisimasooq, 2013-imulli nalimmassaarinnermi inerneru 307.846.849 koruuniusoq. 2.953.151 koruuninik nikingassut, 2015-imi qaammatikkaartumik akiliisarnikkut iluarsiiqqineqasaaq.

Ilutigalugu 2013-imit 2015 tikillugu akileraarutitigut isertitanit -0,5 procentit missaanni iluarsiiqqineqassalluni Akileraartarnermut aqutsisoqarfiup naatsorsuutigaa. Tamatuma kingunerisaanik 2015-imi qaammammut siumut akiliutaasartussat 25,5 mio. koruunit missaanniissapput.

Ataatsimut isiginnilluni 2013-imi iluarsiiqqineqassap, 2015-imilu annikitsumik naatsorsuuteqarnerup kingunerisaanik inuit akileraarutaannit isertitassat 2015-imi 303.046.849 koruuninut inissinneqarsinnaassapput, assigiinnarpaalu qaammammut 25.253.904 koruunit.

2015-imut missingersuutini inuit akileraarutaannit isertitassat 300.274.000 koruuninut inissinneqarsimapput, taamaattumillu siuaruaat 2,773 mio. koruuniussalluni.

Naalakkarsuisut aalajangernikuuaat, nutaamik ataatsimut tapiissutisitsisoqarlunilu nalimmassaarisooqartassasooq. Tamatuma kingunerisaanik ataatsimut tapiissutitit nalimmassaarutiniillu Qeqqata Kommunian 2015-imi 322.309 koruuninik pissarsissaaq. Ukiup siulianut sanilliullugu 11 mio. koruuninik annikinnerussapput, taamaakkaluatorli ataatsimut tapiissutitit nalimmassaarutiniillu isertitat ukiunut missiliuuteqarfiusunut ilanngunneqareernikuummata, massakkut missingersuusiarineqarsimasunut sanilliullugu 17.542.000 koruuninik iluanaaruteqarfiussaaq.



**Kommunalbestyrelsip septembarip 25-ani 2014-imi ileqquusumik ataatsimiinnera 05/2014  
imaqarnilornera**

Nutaamik ataatsimut tapiissutiseriaaseq nalimmassaareriaaserlu, Namminersorlutik Oqartussanit isertitanut nalimmassaarutaapput. Matumani Qeqqata Kommunua 139.773.000 koruuninik pissarsissaaq, taamaakkaluartorli Qeqqata Kommunua qanoq annertutigisumik pilliuteqassanersoq, kommunillu kontoplaniani tamanna qanoq nalunaarsorneqassanersoq suli ilisimaneqanngilaq. Missingersuutit aappasaanik eqqartorneqarnissaa sioqqullugu Namminersorlutik Oqartussanit nassiuuneqassasoq naatsorsuutigineqarpoq.

Konto	Isertitatigut iluarsissutit	2015	2016	2017	2018
80-01	Inuit akileraarutaat	-2.773	-2.773	-2.773	-2.773
83-01	Ataatsimut tapiissutit nalimmassaarutillu	-17.542	-17.542	-17.542	-17.542
	<b>Katillugit</b>	<b>-20.315</b>	<b>-20.315</b>	<b>-20.315</b>	<b>-20.315</b>

Aningaasartuutissat eqqarsaatigalugit, kommunip sanaartugassatigut missingersuutissaanut, Aningaasanut Inatsisissakkut pingaartumik illuliortiternermi aningaasaleeqataassutissat apeqqutaasorujussuusaapput. Illoqarfinni utoqqarnut innarluutilinnullu inissiassat kiisalu nunaqarfinni illussat sanaartoriaannaat, 2014-imut Aningaasanut inatsimmut ilanngunneqarsimapput. 2014-p aasaanerani immikkut aningaasaliissuteqartoqarneratigut utoqqarnut inissiassat aallartisarneqareerput, innarluutilinnullu inissiassat pilersaaruserneqaleruttorput, 2015-illu aasaanerani aallartinneqartussat naatsorsuutigineqarlutik. Oqaluuserisassani immikkoortoq oqaluuserisassaq alla naapertorlugu, innarluutilinnut inissiassanut aningaasaliissutit iluarsivigineqartussaapput.

Kommunip 2015-imut sanaartornissamut missingersuutaani, Sisimiuni innarluutilinnut centerissamut meeqqerivissamullu aningaasanik immikkoortitsisoqarpoq, taamaakkaluartorli Namminersorlutik Oqartussat aningaasaliissutissaat suli immikkoortinneqarsimanatik. Ilutigalugu inissialiassanut 2016-imit 2018 tikillugu aningaasanik immikkoortitsisoqarpoq, 2016-imi innarluutilinnut inissialiornissaq pingaartinneqarluni. Aningaasaliissutit taakku 2015-imi 2016-imi sanaartornissamut missingersuutinit peerneqassasut siunnersuutigineqarpoq.

Konto	Sanaartornissamut iluarsissutit	2015	2016
70-98	Inissialiorneq		-10.000
74-38	Innarluutilinnut centeri	-4.990	
75-88	Meeqqerivik nr. 4	-300	
Katillugit		-5.290	7.256

Missingersuutissat pillugit isumasioqatigiinnermi kissaatigisarpaalussuit nutaat oqallisigineqarput, aallaavittulli aningaasaqarnikkut inissisimanerup kingunerisaanik 2015-imut kissaatigisat nutaat inissaqartinneqarpallaanngillat, siulianimi iluarsissuteqarnerup kingunerisaanik 2015-ip naanerani karsimiittuutissat 20 mio. koruunit missaannik kommuni amigartooruteqartussaavoq.

Aningaasaqarnikkut allaffissornikkullu kingunerisinnaasai

Kommunimi akileraarutitigut isertitat appariartornerisa, suliffissaaleqinerup annertusiartornerata, ilaqutariinnermullu ataatsimiititaliap susassaqrifiisa aqunniarnerisigut aningaasaqarneq massakkut annertuumik nalorninartumiippoq.

Ukiuni kingullerni tallimani taamaattoqartanngeriarluni, peqatigitillugulu ukiut kingulliit marlussuit ingerlanerini piginneqatigiilluni inissiaatileqatigiiliornianiit tapiiffigineqarnissamik qinnuteqartoqarpoq, taamaattumik ukiuni missiliuteqarfiusuni tamakkunuuna aningaasartuutissat iluarsissutaasariaqarlutik.



### Allaffeqarfiup naliliinera

Allaffeqarfiup innersuussutigaa, Namminersorlutik Oqartussat suliffeqarfiutaannit kommunip isertitassai, taamatullu uuliap akitsornerata kingunerisaanik, meeqquerivinni sulisut akissarsiaannut, najugaq qimannagu perorsaasunnngorniarfimmu, timersortarfinnullu tunngatillugu isumaqatigiissutinut tunngatillugu 2015-imi qaavatigut aningaasaliissutissat iluamik paasineqarnissaasa tungaanut suliniutissanik nutaanik ilanngussisoqassanngikkallartoq.

Allaffeqarfiup ilanngullugu innersuussutigissavaa, missingersuusioriaaseq avaqqullugu ukiumi missingersuusiorfiusumi iliuusissanik nutaanik ikkussisoqassanngitsoq. Iliuusissat nutaat peqatigitillugu tulleriaareqqinnermik kinguneqartinneqanngippata, taamaaliorneq tulleriaarinernik kiputitsisinnaavoq.

Ilutigalugu allaffeqarfiup innersuussutigaa, ataatsimiititaliat akisussaaffimmi iluini sipaarutaasinnaasunik tulleriaaakkamik upernaap ingerlanerani saqqummiussissasut, ukiullu siulii assigalugit tullinnguuttut ingerlateqqinneqassasut :

- allaffissuarmi atorfinitsitsisarnerit unitsinnissaat, tamatumuunalu sipaarutaareersut saniatigut atorfiit suli amerlanerusut sipaarutaasariaqassallutik
- sulisut sinerissamiit nunallu avataaniit taarsaanne-rujussuit akisuut pinaveersaarlugit najugaqavissut sulisorinerulernissaat
- ullumikkut sutigut tamatigut suliatigut sulisut ikilisarlugit
- atuarfinni klasseni atuartut amerlillugit, immikkullu atuartitsinerit ikilisarlugit
- kommunip kiffartuussineri akiliuteqarfiusartut akitsorlugit

Qularnanngitsumik kiffartuussinerup appariaateqarnissaanik kinguneqassaaq, kisianni soorunalimi kiffartuussinerit appariaateqarnissaat sapinngisamik ingalassimaarniarneqassaaq.

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 16-ani 2014 ataatsimiinnermini suliaq suliarivaa, innersuussutillu akuersissutigalugit.

### **Innersuussut**

kommunalbestyrelsimut akuereqqullugit innersuussutigissavai,

1. akileraarutigut isertitassat, ataatsimullu tapiissutit nalimmassaarutillu pillugit nutaamik iliuseqalernissaq pillugit qitiusunit nalunaarutigineqartut akuersissutigineqassasut, missingersuutinullu ilanngunneqarlutik
2. Sisimiuni innarluutilinnut centerissamut meeqquerivissamullu aningaasaliissutit kiisalu aalajangersimannngitsumik siunertanut sanaartornissamut aningaasaliissutit 2015-imut missingersuutinit 2016-imullu missiliuteqarfiusumit peerneqassasut
3. 2015-imi akileraarutissap procentia 26-miitiinnarneqassasoq
4. sanaartugassanut allatigullu sanaartugassatigut attartorsinnaanissaq aaqquissuunneqassasoq
5. uuliap akitsorneranut, meeqquerivinni sulisut akissarsiaannut, najugaq qimannagu perorsaasunnngorniarfimmu, timersortarfinnullu tunngatillugu isumaqatigiissutinut tunngatillugu, kingusinnerpaamik missingersuutit aappassaaneernissaannut ersarissumik naatsorsuutininik allaffeqarfik saqqummiussissasoq
6. ilaatigut misissuinissat apeqqutaatillugit, missingersuutit pillugit isumasioqatigiinnermi politikkikkut tulleriaarinert, missingersuutit aappassaaneernissaannut saqqummiunneqassasut



7. ataatsimiititaliat ataavartut akisussaaffimmi iluini sipaarutaasinnaasut pillugit tulleriarinermik 2014 naatinnagu saqqummiussinissaannik qinnuigineqassat

**Aalajangiineq**

Innersuutigineqartut akuersissutigineqarput.

**Ilanngussat**

1. 2015-imut missingersuutissatut siunnersuutit 2014-imi septembarip 11-ani pigineqartut.
2. 2015-imut missingersuusiordermi ukiunullu missiliuuteqarfiusunut missingersuutitigut kissaatigisat tulleriarneri



**Imm. 08 Sisimiuni angerlarsimaffimmi paarsisartut atorunnaarsinneqarnissaat**

*Journalnr. 44.01.00*

Tunuliaqutaq

Sisimiuni angerlarsimaffimmi paarsisartut pingasuunikuupput. Angerlarsimaffimmi paarsisartuq ataaseq illoqarfimmut allamut nuunnarluni, atorfini 2014-imi decembarip 31-ani taamaatinnikuuaa. 2014-imi januaarip aallaqqaataa aallarnerfigalugu angerlarsimaffimmi paarsisartut marluk atorfinitsinneqarput.

Maleruagassatigut tunngavissat

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq Kapitali 4, §23 - §24 - §25 - §26.

Pissutsit atuuttut

Januaarip aallaqqaataani Sisimiuni angerlarsimaffimmi paarsisartut marluk atorfinitsinneqarput. Angerlarsimaffimmi paarsisartunut inissaatinut naammattunik utaqqisuuteqannginneq patsisaalluni, angerlarsimaffimmi paarsisartut atorfik ataaseq allagarsiunneqarnikuunngilaq. Angajoqqaat qitornaminnik meeqqerivinni sitserusunneqarput, akuttusoorujussuarmillu angerlarsimaffimmi paarsisartuni paarsisitsiumallutik allatsittoqartarluni.

Utaqqisut allattorsimaffimmi inissamik utaqqisut aallaavigalugit, 2014-imi aggustip aallaqqaataani angerlarsimaffimmi paarsisartuni inissaatit tamakkerneqarsinnaanngillat. Siorna aggustimi aamma taamatorluinnaq ippoq, angerlarsimaffimmi paarsisartuq ataasiinnaq oktobarip 31-ata tungaanut pingasuinnarnik meeraateqarnikuulluni.

Angerlarsimaffimmi paarsisartut allat marluk. 2013-imi aggustip aallaqqaataani 2014-imi februaarip aallaqqaataa tungaanut, angerlarsimaffimmi paarsisartunut aningaasaliissutinit akissarsiaqartillugit meeqqerivinni ikiortitit inissinneqarput.

Meeqqat massakkut angerlarsimaffimmi paarsisartuni paarineqartut tamarmik, 2014-imi aggustip aallaqqaataani meeqqerivinni inissaqalernikuupput.

Meeqqerivitta Uiaq ukioqanngitsuni pingasut tikillugit ukiulinnut 24-nik inissaateqarnera patsisaalluni, angerlarsimaffimmi paarsisartut naammattunik meeraatilersorneqarsinnaajunnaarput.

Atuilluartuunissakkut kingunerisinnaasai

Angerlarsimaffimmi paarsisartut marluk, meeraatissaqannginnerat patsisaalluni meeqqerivinni sulitittarnerat atuilluartuunerunngilaq.

Aningaasaqarnikkut allaffissornikkullu kingunerisinnaasai

2014-mut aningaasaliissutit 980.000,00 koruuniupput.

Aningaasat taakku meeqqerivinni akissarsiasannut siammarterneqarsinnaapput.

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Allaffeqarfik isumaqarpoq, angerlarsimaffimmi paarsisitsisarneq 2014-p naaneranut atorunnaarsinneqassasoq.

Angerlarsimaffimmi paarsisartut taakku marluk, meeqqerivinni atorfinnut inuttaaruttunut siullernut atorfinnissaannik neqeroorfigineqassasut.



Allaffeqarfip innersuussutaa

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq, 2014-imi decembarip 31-ani angerlarsimaffimmi paarsisitsisarnerup atorunnaarsinneqarnissaa akuersissutigineqassasoq.

Immikkoortoq aningaasaqarnermut ataatsimiititaliamut ingerlateqqinneqassaaq.

Ilinniartitaanermut Kulturimut Sunngiffimmullu ataatsimiititaliami suliap sularinera

Ilinniartitaanermut Kulturimut Sunngiffimmullu ataatsimiititaliap aggustip 11-ani 2014-imi ataatsimiinnermini innersuussutigineqartoq akuersissutigivaa. Kingusinnerusukkulli uterfigineqarnissaanut periarfissaqartillugu.

Imm. Aningaasaqarnermik ataatsimiititaliamut ingerlateqqinneqassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 16-ani 2014 ataatsimiinnermini innersuussut akuersissutigivaa.

**Innersuussut**

kommunalbestyrelsimut innersuutigineqarpoq

2014-imi decembarip 31-ani angerlarsimaffimmi paarsisitsisarnerup kingusinnerusukkulli uterfigineqarnissaanut periarfissaqartillugu atorunnaarsinneqarnissaa akuersissutigineqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. 2012-imi, 2013-imi, 2014-imilu ukiup affaani siullermi takkuttartut takussusiorneqarnerat

**Imm. 09 Inuussutissanik nersutillu nappaataannik inunnut tunillaassorsinnaasunik  
nakkutilliineq pillugu Inatsisartut inatsisaat nr. xx xx 201x-imeersumut  
siunnersuut pillugu tusarniaanermut oqaaseqaatit**

*Journalnr. 10.06/22.07*

Tunuliaqutaq

Inuussutissanik nersutillu nappaataannik inunnut tunillaassorsinnaasunik nakkutilliineq pillugu inatsisissatut siunnersuummut tusarniaaneq kommunimit tiguneqarpoq. Inatsisissatut siunnersuut kommunip aningaasaqarneranut, aalisartunut piniartunullu kiisalu inuussutissanik inuutissarsiuteqartunut ilaannut annertuumik kinguneqartitsissaaq. Tusarniaanermut akissuteqarnissamut piffissaliussaqaq septembarip 26-anut killeqarpoq, taamaalilluni tusarniaanermut akissuteqaammut TAA-mit oqaaseqaatinik ilanngussinissamut piffissaqarluni.

Maleruagassatigut tunngavissat

- Siunnersuut: Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut inatsisaat nr. xx xx 201x-imeersoq
- Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq.

Pissutsit atuuttut

Innuttaasut peqqissusaat eqqarsaatigalugu, inatsisip siunertaraa inuussutissanik sillimaniarneq qulakkiissallugu. Taamaattumik inuussutissanik sillimaniarneq pingaaruteqarpoq.

'Inatsisissatut siunnersuummut oqaaseqaatit'-nit tullinnguuttut pingaarutillit oqaatigineqarsinnaapput:

- 'Naliliisoqarpoq inatsisissatut siunnersuut pisortanut aningaasaqarnikkut allaffissornikkullu kinguneqartitsissanngitsoq, , ... '
- 'Inatsisissatut siunnersuut inuussutissarsiortunut aningaasaqarnikkut allaffissornikkullu annikitsuinnarmik kinguneqassaaq'
- '...inatsimmik nutarterineq pilersaaruserluagaq pineqarmat'
- 'Pingaarnertut tunisassioortut aamma inatsimmut ilaatinneqarput aamma inatsimmi taaguusersuummi "suliffeqarfinnut" ilaallutik. ... Taaguummumut aamma ilaapput aallaaniarneq aalisarnerlu aamma tunisassianik pinngortitamiittunik katersuineq'
- 'Inuussutissanik "Kalaalimineerniarfinniit" tuniniaaneq aamma inatsisip matuma aalajangersagaanut ilaavoq, taamaattumik Kalaaliaqqat inatsimmi matumani aalajangersakkat nalinginnaasut eqqortittussaavaat. Taamaattorli tunisinerlut atillugu, erisarneq, saliineq uullisarnerullu saniatigut tunisassianik suliarinninneq akuerisaanani. Aamma taamaappoq pingaarnertut tunisassioortoq inuussutissanik atuisumut toqqaannartumik tunisaqarpat. Ilaannikkut tunisisarnerit eqqarsaatigalugit, tassa inuussutissanik tunisinerit ukiup ataatsip ingerlanerani ataasiarluni pisartut, inuussutissat pillugit inatsimmi maleruagassat aamma eqqortinneqassapput.'

Atuilluartaunissakkut kingunerisinnaasai

Nammineq nakkutilliisarnissat annertuut nukissanik annertuunik pisariaqartitsippat, Kalaalimineerniarfinnilu sumiiffimmi pisanik tuniniaavimmi taamak mikitigisumi naapertuuttuunani.



### Aningaasaqarnikkut allaffissornikkullu kingunerisinnaasai

Inuussutissanik tunngasunik suliaqartartut suliffeqarfiit aqqissuunneranut kiisalu nunatsinni Kalaalimineerniarfinni sulisunik ilinniagaqartitsinissamut piumasaqaateqarsinnaanermik Naalakkersuisut inatsisitigut periarfissinneqarput. Tamatuma aningaasaqarnikkut kingunerisaliqassaa kisitsisinngorlugu maannakkut taajuminaappoq, taamaattorli annertuumik aningaasartuuteqarfiusussatut isigineqarpoq.

Kalaalimineerniarfimmuut nioqqutinik tunniussisartunik nakkutilliinerit imaluunniit pappialaataat ajunnginnerinik nakkutilliilluni misissuinerit allaffissornikkut suliassaalissapput.

Kalaalimineerniarfiup aqqissuunneranut atatillugu, suliffiup iluani misissuilluni allattorsimaffiit pisariaqartinneqalissapput, kiisalu allattorsimaffiit akulikittumik nakkutilliilluni misissuinerit ingerlanneqartassallutik.

### Qullersaqarfiup oqaaseqaatai

#### Allaffeqarfiup naliliinera

Inatsisissatut siunnersuutip tusarniaassutigineqarneranut akissuteqaatissaq suli suliarineqanngilaq. KANUKOKA-mit aningaasaqarnermut siunnersortimit inatsisissatut siunnersuut misissorneqareerpoq, inatsisissatullu siunnersuummi immikkoortut kommunip aningaasaqarneranut, aalisartunut piniartunullu kinguneqartitsinissat pillugit, kommuninut mailikkut nassitsiffigineqarlutik. Tamatuma saniatigut inatsisissatut siunnersuummi ersernerluttoqarnera uparuarneqarluni.

#### Allaffeqarfiup oqaaseqaatai.

Naak inatsimmi sumiiffimmi pisanik tuniniaaneq pineqaraluartoq, periutsit avammut niuernerit atatillugu periutsinut atavoq. Periutsinik taakkuninnga paasinninnermi avammut niuernissamut alloriarnissamik ajornaannerulersitsivoq.

Inatsisissatut siunnersuummi ilaatigut tullinnguuttutigit piumasaqaateqarpoq:

- Assartuinissami angallassissutit akuerisat (biilit umiatsiallu)
- Inuussutissanik suliaqartunut ilinniartitaaneq
- Siunnersortinnissamut kiisalu ilinniartitaanissamut piumaffigineqarsinnaanermik periarfissaq
- Aalisartunut piniartunullu HACCP naapertorlugu ingerlatsineq (Hazard Analysis And Critical Control Point – nammineq nakkutilliinermik aamma taaneqartartoq)
- Inuussutissanik nioqqusiormik suliffeqarfiit aqqissuunnerat (init, pequtit, atortut, maskiinat, poortuutit, assigisaallu)

Ukiumik ataatsimik sivilissuseqartumik piffissamik suliffeqarfiit ikaarsaarfissaqartinneqarput. Ilinniartitaanermik, siunnersortinik akiliuteqarnissamik, nammineq nakkutilliinissamik il.il. piumasaqaateqartoqartillugu, sumiiffimmi pisanik tuniniaavimmik naammaginatumik piutiinnartitsinissaq, tamatumani piumasaqaatinik malinninnissaq aningaasaqartitsinissarlu ajornakusuulissaq.

Kalaalimineerniarfiit inatsimmi aamma pineqarneri kiisalu angallatit akuerisaasuunissaanik piumasaqaateqarnera (Sisimiuni Qimatulivik piniartut pisaanik assartuinissamut bileqarput), inuussutissanik suliaqartuni sulisut ilinniagaqartinneqarnissaannik aammalu inuussutissanik suliaqartut suliffeqarfiit aqqissuunerinik piumasaqaateqarnera, kommuninut annertuumik aningaasartuuteqartitsissaaq.



'Kalaalimineerniarfimmumut' tunisinermut atatillugu, annikittuinnarnik innuttaasunut tunisinermi piunasaqaammi, angallatinut akuersissuteqarnissamut (umiatsiaaqqat, biilit, taxat atorlugit kalaalimineerniarfimmumut pisaminnik angallassissutigisaat), inuussutissanik suliaqarnissamut ilinniarsimanissamut piunasaqaammi, nammineq nakkutilliinissamut (HACCP) piunasaqaammi aalisartut piniartullu inatsimmi aamma pineqarput. Tamanna aalisartunut piniartunullu annertooujussuamik kinguneqartussaavoq. Aningaasaqarnikkut ingerlatsinikkullu. Nammineq nakkutilliineq aaqqiissut imaannaanngitsuvoq, aalisartunillu/piniartunillu arlaqartunit ilisimaneqanngilaq imaluunniit tamaat isigineqarsinnaananani. Tamatumunnga ataasiakkaanut ikaarsaarniarneq ajornakusoortoujussuussaaq, annertooujussuussaaq aningaasartuutaasoujussuussallunilu. Nammineq nakkutilliinerup tamanit qanoq isumaqarneranik paasineqarnissaanut aammalu akuerineqarnissaanut kiisalu tamanit ingerlanneqarsinnaalernissaanut annertuumik ilinniartitsineq paasititsiniaanerlu ingerlanneqaqqaassasoq naatsorsuutigineqassaaq. Inatsisissatut siunnersuummi ilinniartitaanissaq nammineq akilerneqartassasoq pilersaarutaavoq, taamaattoqassappallu aalisartut-piniartut aningaasartuutaat annertunerulersinneqassaaq. Tunngaviatigut Kalaalimineerniarfimmu pisanik tunisaqarsinnaalluni kikkut tamat namminneq ilinniarnaq akilissavaat. Amerlanerit isertitakinnerunerat eqqarsaatigalugu, tamanna annertuumik eqqarsaammernarpoq.

Imaq (imeq tarajulik) inatsisissatut siunnersuummi eqqaaneqanngilaq. Aalisakkat imarmiullu tamangajammik Kalaalimineerniarfimmu tuniniarneqartartut immamik salinneqartarput. Immap eqqaaneqannginneranut atatillugu, imaq atorneqarsinnaanngitsutut paasineqassanersoq ernumanartinneqarpoq.

Avataanut tuniniaanerup sumiiffimmi pisanik tuniniaanermut suna assigiinngissutiginera pillugu nassuiaanerup ersernerluttunik inatsisissatut siunnersuut imaqarpoq.

Piunasaqaatit arriitsumik atuutilersinneqarlutik, ikaarsaarnissamut periarfissaritinneqartut sivitsorneqarnissaa kommunimit siunnersuutigineqarpoq. Tamatuma saniatigut pisortanit aningaasaliiffigineqartunik pikkorissaanernik neqerooruteqartoqartassasoq innersuussutigineqarpoq. Inuussutissanut sillimaniarnermut tunngasunik piginnaasaqarnerulerneq ilisimasaqarnerulerneq suliffeqarfimmumut (aalisartut/piniartut ilanngullugit) atuisunullu iluaqutaassaaq.

#### Allaffeqarfiup innersuussutaa

Teknikkimut Avatangiisinullu immikkoortortamit Teknikkimut Avatangiisinullu (AA-mit aammalu KB-mit) akuerisassanngorlugi innersuussutigaa,

Siuliani oqaaseqaatit KANUKOKA-mut ingerlateqqinneqassasut

Saqqummiussaq Pisuussutit Uumassusillit pillugit Ataatsimiititaliamut tapiliussatut

oqaaseqarnissaat anguniarlugu ingerlateqqinneqassasoq

#### Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap septembarip 9-ani 2014-imi ataatsimiinnermini innersuussutigineqartoq akuersissutigivaa.

#### Aningaasaqarnermut ataatsimiititaliap suliamik suliarinninnera

Aningaasaqarnermut ataatsimiititaliap septembarip 16-iani 2014 innersuussut akuersissutigivaa suliarlu kommunalbestyrelsimut ingerlatinneqassasoq.



**Innersuusut**

kommunalbestyrelsimut akuereqqullugu innersuussutigineqarpoq,

Siuliani oqaaseqaatit KANUKOKA-mut ingerlateqqinneqassasut

Saqqummiussaq Pisuussutit Uumassusillit pillugit Ataatsimiititaliamut tapiliussatut oqaaseqarnissaat anguniarlugu ingerlateqqinneqassasoq

**Aalajangiineq**

Innersuussutigineqartoq akuersissutigineqarpoq, kommunalbestyrelsip akissutissamut ilassutissat tigugunit Kanukoka-mut ingerlatissavaa.

**Ilanngussaq**

1. Siunnersuut: Inuussutissanik nersutillu nappaataannik inunnut tunillaassorsinnaasunik nakkutilliineq pillugu Inatsisartut inatsisaat nr. xx xx 201x-imeersoq
2. Inatsisissatut siunnersuummut oqaaseqaatit



**Imm. 10 Konto 18 pillugu kiisalu nutarterinissamik, Qeqqata Kommunianilu nunaqarfinni aqutsisut akisussaaffii pillugit Kangaamiuni nunaqarfimmi aqutsisunit siunnersuut.**

*Journalnr. 01.00.02*

Tunuliaqutaq

Konto 18 pillugu Kangaamiuni nunaqarfinni aqutsisunit allakkat, allatseqarfiup 2014-imi juunip aappaani tiguai. Nunaqarfimmi aqutsisut ilaatigut siunnersuutigaa, nunaqarfinni innuttaassuseqa aallaavigalugu konto 18-imut aningaasaliissutigineqartartut ilaatigut qaffanneqassasut, soorluttaaq nunaqarfinni aqutsisut nammineq atugassaannut tunngatillugu ilitsersuutip nutarterneqarnissaanik siunnersuuteqartut.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.  
Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Pissutsit atuuttut

Kangaamiuni nunaqarfinni aqutsisut, tullinnguuttut kommunalbestyrelsimi eqqartugassanngortippaat:

1. Konto 18-mi aningaasaliissutaasartut nunaqarfinni tamani allineqarsinnaanerart.
2. Inuttussuseq aallaavigalugu konto 18-kut tapeeriaatsip allanngortinneqarnissaa.
3. Konto 18-ip iluani bygdebestyrelsi ukiup tullissaanut missingersuusianik takutitsarnissaanut suleriaasissanik il.il. nutarterineq.

**Nunaqarfimmi aqutsisut siunnersuuteqarnertik tullinnguuttunik tunuliaqutaqartippaat:**

1. Qeqqata Kommunian aallartimmali bygdebestyrelsimut aningaasaliissutaasartut allanngortinneqarnikuunngillat.
2. Assersuutigalugu Itilleq og Napasoq 90-it inorlugit innuttaqartut Kangerlussuarmut Kangaamiunullu 350-it sinnerlugit innuttaqartunut aningaasatigut atugassiissutit assigiisinneqarlutik.  
Sermersuup Kommuniani nunaqarfinnut inuttunerusunut 640.000 kr-nik inukinnerusunullu 420.000 kr-nik ukiunut aningaasaliisoqartartoq oqatigineqarpoq.
3. Namminersorlutik Oqartussat inatsisaat peqqussutaallu aallaavigalugit susassaqrarfiit 5-it aggulunneqartut iluini qanorpiaq suleriaaseqartoqarsinnaaneramik erseqqinnerusumik nutartikkamillu ilitsersuusiortoqarnissaa.

Atuilluartuunissakkut kingunerisinnaasai

Kinguneqaatissaqanngilaq.

Aningaasaqarnikkut allaffissornikkullu kingunerisinnaasai

Nunaqarfinnut tamanut atuutsillugu konto 18-imut aningaasaliissutit qaffanneqarnissaannik, Qeqqata Kommunianilu nunaqarfinni inuttussuseq aallaavigalugu konto 18-imi agguaarisaaseq allanngortinneqarnissaanik siunnersuutit akuersissutigineqassappata aningaasartuutit qaffassapput, soorluttaaq agguaqatigiissikkaanni nunaqarfinnut allannut sanilliullugu Kangaamiut annertunerujussuarmik aningaasaliiffigineqalartartussaasoq.

Qullersaqarfiup oqaaseqaatai

Oqaaseqaatissaqanngilaq

### Allaffeqarfiup naliliinera

Konto 18-imut aningaasaliissutit qaffanneqarnissaannik siunnersuut, kommunalbestyrelsip 2014-imi februaarip 27-ani ataatsimiinnerani kingullermik eqqartorneqarpoq. Siunnersuut itigartissutigineqarpoq, Kommunalbestyrelsillu aalajangerpaa, konto 18-imut maannakkut agguaaasseriaaseq allanngortinneqassanngitsoq.

### **Siunnersuummut tunngatillugu:**

#### **1 aamma 2: Nunaqarfinni Konto 18-imut aningaasaliissutit qaffanneqarsinnaapput, nunaqarfinnilu inuttussuseq aallaavigalugu aningaasaliisarnissamut siunnersuut:**

Allaffeqarfiup maluginiarpaa, takuuk ilanngussa 2, pingaarnertut kontoqarfiup 1-ip Aningaasaqarnermut ataatsimiititaliap nuutsisimaneranik patsiseqartumik Napasup Itillillu 2010-mi sippuullutik atuisimanerat eqqaassanngikkaanni, nunaqarfinnut 2009-mit 2013 tikillugu konto 18-imut aningaasaliissutigineqartartut tamakkerlugit atornerneq ajortut. Tamatuma saniatigut sarfannugit 2011-mi aningaasaliissutinit 200.000 koruuniusunit 201.000 koruunit atorsimavaat.

**Siunnersuummut 1-imut 2-mullu** tunngatillugu allaffeqarfiup nalilerpaa, aningaasartuutit suli annertunerulersikkumanagit kommunalbestyrelsip februaarip 27-ani aalajangiinera attatiinneqassasoq, soorluttaaq aaqqiineq pissusissamisoortutut nalileraa.

#### **3. Aqutsinermut inatsit eqqarsaatigigaanni, Aningaasanik nammineq atugassanngortitanik nunaqarfinni aqutsisut atuinissaannik ilitsersuut nutarterneqassasoq kissaatigineqarpoq.**

Allaffeqarfiup nalilerpaa, Qeqqata Kommuniani nunaqarfinni aqutsisunut maannakkut ilitsersuutaasoq, kommunit aqunneqarnerat pillugu Inatsisartut inatsisaata § 53-iani imm. 2 naapertorlugu nutartigaareersaq. § 53-iani imm. 2-mi allassimavoq:

Kommunalbestyrelsi aningaasanut missingersuusiani aningaasanik immikkoortitsisinnaavoq, nunaqarfinni siulersuisut nammineerlutik aalajangiinermi atugassaanik makkunani:

- 1) Kulturimut inunnillu paasisitsiniaanermut.
- 2) Timersornermut tunngasunut.
- 3) Teknikkikkut ingerlatsivinnut pilersuiner Mullu.
- 4) Nunaqarfinni inuutissarsiutinut tunngasunik suliniutinut.
- 5) Isumaginninnermi suliassanut.

Aalajangersagaq marlunnik oqariartuuteqarpoq. Siullermik kommunip missingersuusiornermi nunaqarfinni aqutsisut ingerlatsinermi tapiissutinik tunisinaallugit. Aappaattullu maleruagassat oqaatigivaat, nammineq atugassaattut aningaasaliissutit qanoq atornerneqarnissaat. Nunaqarfinni aqutsisut aningaasat sumut atorsinnaaneraat pillugit takussutissaq sukumiisumik suliaavoq, taamaasilluni immikkoortut taakku tallimat aalajangersakkami eqqaaneqarsimasut saniatigut, nunaqarfinni aqutsisut siunertanut sammisassanullu allanut aningaasanit nammineq atugassanit atuisinnaanngillat.

### **Innersuussut**

Kommunalbestyrelsimit akuereqqullugu innersuussutigineqarpoq, Kangaamiuni nunaqarfinni aqutsiut tullinnguuttutut nalunaarfigineqassasut:

- konto 18-imut maannamut aningaasaleeriaaseq allanngortinneqassanngitsoq (siunnersuut 1 aamma 2)
- Aningaasat nammineq atugassanut tunngatillugu, kommunit aqunneqarnerat pillugu Inatsisartut inatsisaata § 53-iani imm. 2 naapertorlugu nutartigaammat, maannakkut ilitsersuut allanngortinneqarani attatiinneqassasoq



**Aalajangiineq**

Tønnes Kreutzmann isumaqataanneginni allattaavimmut allaqqaa.

Konto 18 maannamut allangortinneqassanngitsoq:

Innersuussutigineqartumut akuersipput 12

Akuersaanngitsut 2

Taaseqataannngitsoq 1

**Ilanngussat**

1. Kangaamiuni nunaqarfimmi aqutsisunit allakkat 2014-imi juunip aappaaneersut.
2. Qeqqata Kommuniata nunaqarfiisa 2009-mit 2013 tikillugu nammineq atugassaat aningaasanngorlugit.
3. Aningaasanik nammineq atugassanngortitanik nunaqarfinni aqutsisut atuinissaannik ilitsersuut



## **Imm 11 Kangaamiuni illoqarfittut/nunaqarfittut ikinnguteqarpoq pillugu**

*Journalnr. 00.07.01*

### Tunuliaqutaq

Kangaamiuni illoqarfittut/nunaqarfittut ikinnguteqarneq pillugu Kangaamiuni nunaqarfimmi aqutsit juunip 16-ani 2014-imi allakkatigut kommunalbestyrelsimut saaffiginnipput.

Kangaamiut Holstebro illoqarfittut ikinngutigisimagaluarpa, tamannali Qallunaat Nunaanni kommuninik aaqquissusseqqittoqarneratigut taamaatinneqarsimavoq.

Kangaamiuni nunaqarfimmi aqutsisut kommunalbestyrelsimut qinnutigivaat suliap nutarterneqarluni allatigut periarfissanik misissuinissamut ingerlatitseqqittoqassasoq makku tunngavigalugit:

1. Inuussutissarsiutitigut atukkanut inuttussutsikkullu assingusumik ingerlatsiveqarfiusut akornanni sumiiffinni siursaaneq.
2. Ikinngutigiinnerup iluani NAPA kiisalu NORA peqatigalugit ineriartortitassanik pilersitsiniarneq.
3. Innuttaasut akornanni Kulturikkut paarlaasseqatigiiffiusumik nukittorsaqatigiinnissaq.

Nunaqarfimmi aqutsisunit pingaartinneqarpoq nunaqarfiup inuttussusianut naapertuuttumik nutaaliornikkut "Nunaqarfimmi ikinngutigiinneq" qulequtaralugu pilersitsinissaq.

Ukiunilu kingullerni Island nunatsinnut qanilliartuinnarmat, illoqarfittut ikinnguteqarnerup nutarterniarneqarnerani tamatumap atorluarneqarnissaa nunaqarfimmi aqutsisunit kissaatiginartinneqarpoq.

### Maleruagassatigut tunngavissat

Qeqqata Kommuniani illoqarfittut ikinngutit pillugit kommunalbestyrelsip februaarip 25-ani 2009-imi ataatsimiinnermini aalajangiinera.

### Pissutsit atuuttut

Kommunit kattunneqannginnerini Sisimiut Maniitsullu kommuniini tulluuttut illoqarfittut ikinngutigineqarput:

#### *Sisimiut*

Albertslund (DK)

Skagen (DK)

Klaksvik (FO)

Qaanaq (KN)

Iqaluit (Nunavut)

#### *Maniitsup*

Esbjerg (DK)

Fjordabygd (IS)

Allaffeqarfimmiit innersuussuteqarnikkut, illoqarfittut ikinngutit katillugit ikilisinneqarput, taamaalilluni suleqatigiissutissatigut tulluuttutugut piffissamik nukinnillu atuilluarnerussamat:



<i>Fjardabyggd (IS)</i>	– alumiiniumik aatiteriffeqarfilik
<i>Klaksvik (FO)</i>	– nukissiorfeqarnikkut imminullu nammassinnaanermik suleqatigiiffiusoq
<i>Iqaluit (CA)</i>	– amerika-mi avannarlermi Inunnik kulturikkut inuiaqatigiinnillu ineriartortitsinermik suleqatigiinnissami periarfissaqarfiusoq.
<i>Esbjerg (DK)</i>	– inuutissarsiutitigut suleqatigiinnikkut pingaaruteqartuusooq
<i>Albertslund (DK)</i>	– atuarfeqarnikkut kulturimullu tunngasutigut annertuutigut psoqarfiusoq

Taama aqqissuussinikkut Amerikap Avannaani, Atlanterhavep sineriaani kiisalu Danmarkimi suleqatigiinnertigut periarfissaqalissamat. Isumaqaarnarsimallunilu, kommunip kulturimut tunngasut annertunerusumik misilittagaqarfingilissagai ajornaannerusumillu tamatumani illoqarfinnik ineriartortitsinikkut periarfissat ammaatissallugit.

### **Innersuussut**

Kommunalbestyrelsimut aalajangigassatut innersuussutigineqarpoq

Kangaamiuni illoqarfittut/nunaqarfittut ikinnguteqarneq nutarterneqarluni allatigut periarfissanik misissuissamat ingerlatitseqqittoqarnissaanik Kangaamiuni nunaqarfimmi aqutsisut qinnuteqaa-taat akuersissutigineqassasoq

imaluunniit

Kangaamiuni nunaqarfimmi aqutsisut Qeqqata Kommuniani ullumikkut illoqarfittut ikinngutigisat akornanni suleqatissarsissasut.

### **Aalangiineq**

Kangaamiuni nunaqarfimmi aqutsisut Qeqqata Kommuniani ullumikkut illoqarfittut ikinngutigisat akornanni suleqatissarsissasut aalangiunneqarpoq:

Isumaqaataasut: 11

Taaseqataannigitsut: 4

### **Ilanngussaq**

1. Kangaamiuni illoqarfittut/nunaqarfittut ikinnguteqarneq pillugu allakkat 16.6.2014-imeersut.
2. KB-p 25.2.2009-mi ataatsimiinneranit imaqarniliaq, imm. 39.
3. Nunap assinga imm. 39-mut ilanngussaq

## **Imm. 12 Kangerlussuarmi umiarsualivik nutaaq**

*Journalnr.*

### Tunuliaqutaq

Kangerlussuarmi umiarsualivik annertuumik sioqqanik katersuuffiuvoq, taamaalilluni Kalaallit Nunaanni nunaqarfiit annersaat RAL-ip pajuttaataannik tulaffigineqarsinnaanani, nassiussalli umiaasaqqanut aatsaat issoraqqaarlugit umiarsualivimmuut niorarneqarsinnaapput. Umiarsuit takornariartaatsit aamma taamatorluinnaq ilaasuminnik ikaarussisariaqartarput. Tamatumalu saniatigut umiarsualiviup umiaasanik umiatsianillu minnerusunit angallaffigisinnaannngorniarlugu aningaasat annertuut atorineqartarlutik. Naatsumik oqaatigalugu, ingerlanneqartunut sanilliullugu umiarsualivik ullutsinnut naapertuutinngilluinnarpoq, tamatumalu saniatigut umiarsualivinni atortorisarutinik pisariaqartitsisunik ingerlatassanut nutaanik orniginarsarneqarsinnaanani, taamaasilluni aatsitassanik misissuinermut piiaanermullu, takornariaqarnerup annertusarneqarnissaannut assartuinerillu akulikinnerusunut atatillugu ineriartorsinnaanermut periarfissat annaassallutigit.

### Maleruagassatigut tunngavissat

Umiarsualiviit suli Namminersorlutik Oqartussanit pingaarnertut akisussaaffigineqarput, naak kommunit namminneq umiarsualiviliornissaannut akornutaanngitsoq, soorlu Sisimiuni talittarfiliortoqartoq.

Taamaakkaluartorli Namminersorlutik Oqartussat akileraarutinut aaqqissuussamik suli allannguinngilaq, taamaalilluni talittarfinni isertitat suli Nunatta karsianut nakkartarput. Ukiamut ataatsimeersuarnissami umiarsualiviit pillugit inatsit nutaaq saqqummiunneqarnissaa naatsorsuutigineqarpoq.

### Pissutsit atuuttut

Ukiuni 2012-imi 2013-imilu Qeqqata Kommunia Artek Rambøll-ilu peqatigalugit NIIP-imit aningaasaliissutit atorlugit, Kangerlussuarmi umiarsualivissap sumi inissinneqarnissaanut naapertuunnerpaanersoq paasiniallugu misissuinerit arlaqartut ingerlappaat. Nunaqarfinnut aningaasaliissutit atorlugit 2014-imi misissuinerit tapertalerneqarput.

Misissuinerit tunngavigalugit Rambøll nalunaarusiorpoq, ilanngussamilu eqqikkaaneq issuarneqarpoq:

### ***Maannakkut pissutsit unamminartut***

*Nalunaarusiap matuma inerneraa, Kangerlussuarmi umiarsualivimmik nutaamik pisariaqartitsisoqartoq, umiarsualivimillu nutaamik pilersitsinermi inuiaqatigiinni aningaasaqarnikkut ukiuni pingasuni-sisamani imminut akilersinnaaleriissasoq. Taamaalilluni Kalaallit Nunaannut kangerlussuarmullu pitsaasumik aningaasaliinerussaaq.*

*Umiarsualivik pioreersumi 2 meterit missaanik taamaallaat itissuseqarpoq, taamaalilluni umiarsuarnit assartuutinit imaluunniit umiarsuarnit takornariartaatsinit kangerlummi kisarsimasunit umiaasaqqanik imaluunniit umiatsianik taamaallaat tigooraasinnaalluni. Tamanna inuiaqatigiinnut akisuvoq umiarsuarnullu pisariulluni, umiarsuimmi usingiarneqarnissaq usilersorneqarnissarlu eqqarsaatigalugit piffissami sivisuumi kisarsimasariaqartarput. Umiarsualivimmi pissutsit sammiveqanngikkaluartut, umiarsuit takornariartaatsit minnerusut Kangerlussuarmi ilaasunik paarlaatsitsinermik ingerlatsinissaminnik toqqaasarput. Umiarsuit takornariartaatsit anginerusut nunanut eqqarlerisanut ilaasunik paarlaatsitsinissaq toqqartarpaat, taamaalilluni Kalaallit Nunaat mittarfeqarfanni akileraarutissaraluanik kaaviiartitassaraluanillu annaasaqartarpoq.*



### **Periarfissat atorpeqanngitsut**

Nunani assigiinngitsunit umiarsuarnit takornariartaatsinit ilaasunik inuttanillu paarlaatsitsinissami Kangerlussuaq Kalaallit Nunaanni sumiiffinni pitsaanerpaamik inissisimavoq. Nunat assigiinngitsut aqqusaarneqartarnerinut Kangerlussuaq isumannaatsumik mittarfeqarpoq, ilaasartaatsinik angisuunik tiguisinnaasoq, umiarsualivimmillu aqqusaarneqartarnissamut isumannaatsumik pilersitsinissamut periarfissaqartoq nalunaarusiap inerneraa.

Assartuinnermut Isumalioqatigiissitami siulittaasup siusinnerusukkut naatsorsornikuuaa, umiarsuaq takornariartaat 126-nik ilaasoqartoq ataaseq Kangerlussuarmut turn-around-ertilluni, Kalaallit Nunaannut agguaqatigiissillugu 1,5 mio. koruuninik kaaviiaartitsisartoq kiisalu inuiaqatigiinnut aningaasaqarnikkut 0,7 mio. koruuningajalluinnarnik iluanaartitsisartoq. Aningaasat mittarfeqarfimmi akileraarutitigut, umiarsuit takornariartaatinut akileraarutitigut, angalatitsinermik misigisaqartitsinernillu tunisinikkut kiisalu umiarsuarnut nerisassanik orsussanillu tunisaqarnikkut isertitarineqartarlutik.

Nordvestpassagen aqqusaarlugu umiarsuarnik takornariartaatinik angisuunik 500-1000-inik ilaasulinnik angallaffigineqarnissaa periarfissat nutaat umiarsuarnik takornariartaatillit ukkatarinninnerat pillugu, Reykjavik-imi imaluunniit Canada-mi ilaasunik paarlaassinermiit, Kangerlussuarmi paarlaassinissamik periarfissiissaaq, ima paasillugu, umiarsuarmut ataatsimut inuiaqatigiinnut aningaasaqarnikkut 3,6 mio. koruuninik iluanaarfiussaaq.

Kangerlussuarmilu nutaamik umiarsualivimmik pilersitsinerup inuussutissarsiutinut assigiinngitsunut arlaqartunut pitsaanerusumik periarfissiissaaq, aatsitassarsiorneq kiisalu aalisakkanik nutaanik avammut tuniniaanissamut assartuinissaq pitsaanerulissalluni.

### **Umiarsualivik nutaaq aningaasaqarneralu**

Maannakkut umiarsualivimmit 10 km-it missaanik ungasinnerusumut umiarsualivik nutaaq pilereqarsinnaavoq. Hancock point-ip kitaatungaani tininnerpaaffiani itissuseqarpoq, umiarsualivillu umiarsuarnik 230 m-it missaat angullugit takissusillit tiguisinnaalluni, tassa umiarsuit ilisimaneqartut Kalaallit Nunaata kitaani avannaanilu angasartut angalanissaminillu eqqarsaateqartut takeqqataat. Ukiuni 100-ni siullerni kinnit ujarannqortartunik peqalernissaa aarlerinaateqanngilaq kiisalu anorip sakkortunerpaamik sammivigisartaanit oqquusimalluni. Umiarsualivik 23,4 mio. koruuninik naleqassasoq naatsorsorneqarpoq.

Umiarsualiviup tungaanut aqqusinnoortoqassaaq, nassiussanik ilaasunillu sullissinissamut inissiivissanik atortuutinillu pilersitsinissamut periarfissaqarlualuni. Aqqusineq 9,8 mio. koruuninik naleqassasoq naatsorsorneqarpoq. Sanaartornermut aningaasartuutissat katillugit 33,2 mio. koruuniussasut. Siunissaq eqqarsaatigalugu nassiussanut nunaminertamik 7 mio. koruuninik aningaasartuuteqarluni annertusaalluni pilersinneqarsinnaavoq.

Ilanngaattissat ilanngaatigereerlugit ingerlatsinermut sipaarutissat pitsanngorsaanerillu ukiumut 3,5 mio. koruuniussapput, Kalaallit Nunaannullu umiarsuit takornariartaatsinik amerlanerusumik, Kangerlussuarmi ilaasunik paarlaatsitsinertalimmik orniginarsaanermi, inuiaqatigiinnut aningaasaqarnikkut siunissami iluanaarutissat ukiumut 7,6 mio. koruuniussallutik.

### **Atuilluartuunissakkut kingunerisinnaasai**

Kangerlussuarmi imminut napatissinnaasumik takornariaqarnermik ineriartortitsinissamut umiarsualivimmik nutaamik pilersitsinikkut ikorfartuissaaq, tamatumalu saniatigut Kalaallit Nunaata kitaani nunaqarfinnut illoqarfinnullu arlaqartunut umiarsuarnik takornariartaatsinik/takornarianit tikinneqartarnerinik annertusaanissamut periarfissiissaaq. Umiarsualivimmik pilersitsineq aalisakkanik nutaanik avammut nioqquteqarsinnaanermut tungaviliissaaq, mittarfeqarfiullu annertunerusumik atorpeqalerneratigut mittarfeqarfinnik



ingerlatsinermit aningaasaqarnej pitsanngortinneqassalluni, tamatumalu kingunerisaanik Mittarfeqarfiup piutiinnarneqarnissaanut ikorfartuissalluni.

#### Aningaasaqarnikkut allaffissornikkullu kingunerisinnaasai

Umiarsualivimmik pilersitsinermit Kangerlussuup pitsaasumik ineriartornissaanik tunngaviliissaaq, innuttaasut amerliartornerisigut taamatullu akileraartarnikkut isertitat annertusineqassallutik Umiarsualiviup nutaap ingerlanneqarnissaa kimit akisussaaffigineqassanersoq sulii ersarissarneqanngilaq. Namminersorlutik Oqartussaasinnaapput, namminersortuusinnaapput imaluunniit kommuniussinavaoq.

Tullinnguuttutigut aningaasaqarnikkut pisariaqartitsineqassasut naatsorsuutigineqarpoq:

2014/5: misissueqqaarnernik naammassinnineq pilersarusiornerlu	1,5 mio. kr.
2015: aqqusinniorneq umiarsualivimmillu sanaartorneq miss.	25,0 mio. kr.
2016: suliamik naammassinnineq	7,7 mio. kr.
<b>Katinneri</b>	<b>33,2 mio. kr.</b>

Sanaartornerup naammassineqareernerata kingorna umiarsualivimmi containerinut inissiiwiit allilerneqarnissaanut kiisalu umiarsuarni takornariartaatsini ilaasunut assigisaannullu utaqqisarfirmik pilersitsinissamut 7,3 mio. koruunit atorneqarnissaat toqqarneqarsinnaavoq, taamatullu allatigut pingaanginnerusunut aningaasaliinerit.

#### Qullersaqarfiup oqaaseqaatai

Annerusumik oqaaseqaatissaqanngilaq.

#### Allaffeqarfiup naliliinera

Allaffeqarfiup nalilerneqarpoq, Kalaallit Nunaanni aatsaavissuaq taamak inuaqatigiinnut aningaasaqarnermut iluaqutaatigisinnatigisumik umiarsualiornissaaq pineqartoq, sanaartornerlu piffissap sivikitsuinnaap iluani imminut akilertussaassasoq.

Kalaallit Nunaanni umiarsuarnik takornariartaatsinik tikittoqartarnerup ineriartortinneqarnissaanut umiarsualiviliornissaaq pingaaruteqarluinnartuusoq, allaffeqarfiup nalilerneqarpoq. Umiarsuit takornariartaatsit ilaasuminnik kangerlussuarmi paarlaatsitsisarneri takornariaqarnermut inuussutissarsiornermut annertuumik isertitanut iluaqutaassaaq, taamaalilluni Kangerlussuarmi Mittarfeqarfiup annertunerusumik angallavigineqarneratigut Kalaallit Nunaanni nunap ataqatigiinnermut attaveqarfianut aningaasaqarnerup pitsanngoriaataanut ikorfartueqataassalluni.

Allaffeqarfiup nalilerpaattaaq, maannakkut Kangerlussuarmi umiarsualiviup ingerlanneqarneranut aningaasartuutit siparneqartut kiisalu mittarfeqarfinni akileraarutitigut, ilaasunut akileraarutitigut uuliamillu tunisinermit isertitat pingaarnertut Nunatta karsianut imaluunniit Namminersorlutik Oqartussat suliffeqarfiutaanut nakkartartussaasut. Tamannalu tunngavigalugu Namminersorlutik Oqartussat umiarsualiviliornissamut aningaasaliisuunissaa nalinginnaasutut isigineqarpoq. Periarfissaaq alla tassaavoq, Namminersorlutik oqartussat kajujuummissutigut aaqqiissummik allanguisariaqalersooq, taamaalillutik namminersortut imaluunniit oqartussaqarfiit aningaasaliisut iluanaarutinik aamma pissarsisalissallutik.

#### Allaffeqarfiup innersuussutaa

Allaffeqarfiup Aatsitassanut attaveqatigiinnermullu ataatsimiititaliami siulittaasumut, Aningaasaqarnermut ataatsimiititaliamut Kommunalbestyrelsimullu akuersissutigineqarnissaa innersuussutigaa



Kangerlussuarmi umiarsualiveqarnerup pitsanngorsarneqarnissaanut suliap ingerlatiinnarneqarnissaanut, Qeqqata Kommuniata nalunaarussiaq aallaavittut atussagaa

Siunissami qanittumi umiarsualiviup kiisalu appakaaffissamut aqqutissanik pisariaqartinneqartunik 33,2 mio. koruuninik naleqartunik sanaartortoqarnissaq suliniutigineqassasoq.

Siunissaq ungasinnerusooq eqqarsaatigalugu umiarsualivimmi containerinut inissiivissamik, umiarsuit takornariartaatsinut ilaasunut utaqqisarfirmut 7 mio. koruuninik nalilimmik sanaartortoqarnissaq suliniutigineqassasoq.

Nalunaarut Namminersorlutik Oqartussanut nassiunneqassasoq, Kangerlussuarmi nutaamik umiarsualiortoqarnissamut Aningaasaqarnermut inatsimmut ilanngunneqarnissaanik innersuussutitalerlugu, upernaakkut Kangerlussuarmi umiarsualivittaap ammarneqarnissaa siunertaralugu

Aatsitassanut attaveqatigiinnermullu siulittaasup suliamik suliarinninnera  
Aatsitassanut attaveqatigiinnermullu ataatsimiititaliaq sinnerlugu siulittaasup innersuussut septembarip 22-iani 2014 akuersissutigivaa.

Borgmesterip suliamik suliarinninnera  
Aningaasaqarnermut ataatsimiititaliaq sinnerlugu borgmesterip innersuussut septembarip 22-iani 2014 akuersissutigivaa.

### **Innersuussut**

Allaffeqarfiup innersuussutaa kommunalbestyrelsimut akuereqqullugu.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Kangerlussuarmi umiarsualivik pillugu nalunaarut, Rambøll

**Imm. 13 Apequteqaat – Utoqqaat nunanut allanut angalasarneranut piumasqaatit.**

*Journalnr. 44.05.10*

Tunuliaqut

Kommunalbestyrelsimi ilaasortap Agathe Fontain emailikkut septembarip 4-ani 2014 apequteqaatigivaa utoqqaat nunanut allanut angalasarneranut piumasqaatit.

Pissutsit atuuttut

1. Utoqqaat nunanut allanut angalasarnerannut piumasqaatit:

**Ilaqtariinnermi immikkoortortaq, Maniitsoq paasititsivoq:**

Nutarterneqarnikuunngilaq, Maniitsormiut utoqqaat 16-nit, inuit sisamat/ tallimat pingasoriarlutik ilaanikuupput ukiuni tallimangulersuni angalasarnitsinni.

Qinnuteqartunik piukkunnangitsoqarneq ajorpoq, piumasqaatigineqaannartarpoq nammineq imminut isumagilluarsinnaasariaqassaaq pisulluarsinnaalluni aammalu iluaqusersuutunik atuisuunnginnissaat kissaatigisarparput. Nutaat qinnuteqartut siulliullugit tiguneqartarput sinneranut ilaareernikunik matussuserneqartarput

**Ilaqtariinnermi immikkoortortaq, Sisimiut paasititsivoq,**

1. Utoqqaat nunanut allanut (Tyrkiet) angalasarnerannut piumasqaatit suuppat?

Akissutit:

Utoqqaat nunanut allanut angalaqatigiittarnerinut najoqqutassatut aalajangersakkat ulloq 12. marts 2003 akuerineqartut, Sisimiut Kommuniani inunnik isumaginninnermi ataatsimiisitamit.

Kiisalu ilassutitut allaffissornikkut pisortamit akuersissutigineqarpoq, angalaqataasussat timikkut, tarnikkut inuttullu atukkatigut angalanermut peqataasinnaaneri killeqarpata, tamannalu angalaqataasunut oqimaatsorsiutaassappat, qinnuteqartut taamatut nalaassaqartut angalanermi aqutsisuusussanik itigartinneqarsinnaatitaanerat. Taannalu Inunnik Isumaginninnermi ataatsimiisitamut ulloq 05. april 2006 inassuteqaatitut suliarineqarsimavoq, Inunnilli isumaginnittoqarfiup pisortaanit akuerineqarsimalluni.

Siunnersuut qulaani pineqartoq angerlarsimaffimmi ikiorteqartitsiviup pisortaanit Marianne Olsenmit siunnersuutigineqarsimavoq.

Qanga kingullermik nutarterneqarpa?

Nunanut allanut angalasarnermut najoqqutassaq qulaani ullut taaneqartut kingorna nutarterneqarnikuunngilaq. Pissusissamisooresimassangaluarporli utoqqalinersiutillit) ukiui 65-nut qaffammata, najoqqutassani tamatumap iluarsineqarnissaa, tassami allaqqammat 63-nik ukioqalersimasut peqataasinnaasut.

Aatsaat angalasut qassit ilaasarpat?

Angalasut amerlanerpaamik 20-it peqataasarput.



Arlaleriarlutik angalaqataasut qassiuppat?

Ukioq 2014 utoqqaat nunanut allanut angalasussat 14-it akornanni, ukioq manna utoqqaat siuller-meerlutik angalasussat 10-upput, sisamallu siusinnerusukkut angalaqataaareernikuupput. Angala-sarnerup ukiuni 12-ni ingerlanneqarsimanerani peqataasartuni arlaqarput marloriarlutik angalaqa-taasarsimasut kiisalu ataasiakkaat pingasoriarlutik angalaqataasimapput. Angalanissap pilersaa-rusiornerani Hotelini inissat iluarsaaneqartarput, ineqatigiittussat arnaannaangikkunik angutaa-nnaallutik imaluunniit aappariiusussaallutik. Kisianni napparsimaneq allatigulluunniit ilaqutariit iluanni pisoqartillugu tamatumalu kinguneranik unittoqariataartillugu, taartissamaataasuni siusinnerusukkut angalaqataaareersimasut tiguneqariataarsinnaasarput.

Arlaqarput taartissamaatitut sillimasuusaraluarlutik, kisianni assigiinngitsunik peqquteqartumik angalaqataarusukkunnaartartunik, taamaattumik angalaqataaareersimasut tiguneqarsinnaasarput.

Ilaanissaminnut piukkunnangitsutut nalilikkat, ilaarusukkaluit qassiuppat? Suullu tunngaviuppat piukkunnanginnerannut nalilerneqarnerannut?

Ukioq manna angalaqataasussani piukkunnangitsutut itigartinneqartoq ataasiuvoq, taannalu anga-laqataasussat ataasiakkaarlugit pulaaqattaarlugit oqaloqatiginerani oqarfigineqarsimavoq angalaqa-taanissamut piukkunnanginnera pissutingalugu nangartarneqarsimalluni. Pineqartoq assut pitsorlu-ttuusimavoq naliginnaasumillu angalaneq ikiorteqartigani naammassisinnaanagu. Ukiut siuliini aamma nalaassaartoqartarpoq imigassamik allatigulluunniit peqqiilliorneq pissutingalugu ajornar-torsiuteqartunik, tamakkualu pissutingalugit peqataanissaannut akuerineqarneq ajortunik. Siusinne-rusukkut angalasarnermut najoqqutassat sukatinngikkallarneranni, angalaqataasut ilaasa peqqiillior-nerat pissutaalluni, angalasunut allanut suliaqutaasarsimavoq, tamannalu pissutingalugu angalanerup nuannernerusinnaaneringalua inunnut ataasiakkaanut nuanniittunngorsinnaasarsimallu-ni.

### **Innersuussut**

Kommunalbestyrelse-mut innersuussutigineqassaaq paasissutissat tusaatissatut tiguneqassasut.

### **Aalajangiineq**

Innersuussutigineqartoq tusaatissatut tiguneqarpoq.

### **Ilanngussaq**

1. Agathe Fountainip e-mailia 4.9.2014-imeersoq.



**Imm. 14 Apeqqueteqaat – Eqalunniarneq pillugu ileqqoreqqusaq qaqugu atuutilissanersoq.**

*Journalnr. 00.49*

Tunuliaqut

Kommunalbestyrelsimi ilaasortap Agathe Fontain emailikkut septembarip 4-ani 2014 Apeqqueteqaatigivai eqalunniarneq pillugu ileqqoreqqusaq qaqugu atuutilissanersoq.

Pissutsit atuuttut

Qaqugu eqalunniarnermu ileqqoreqqusaq atuutilissanersoq:

**Aalisarnermut- piniarnermullu siunnersorti, Maniitsoq** paasititsivoq:

-Ulloq 15.05.2014 tusarniaaneq nassiunneqarpoq Maniitsumi nunaqarfiinilu KNAPP-nut aamma nunaqarfinni aqutsisunut (Kangaamiut, Napasoq aamma Atammik

-  
Tusarniaanermi akissuteqaatit tigusimasagut tamarmik akipput eqaloqarfimmik eqqisisimatitassamik siunnersuutissaqaratik.

Taanna pillugu Maniitsumi piniarnermut nakkutilliisoq aamma aperinikuuvara. Taanna aamma siunnersuutissaqanngilaq eqaloqarfimmik eqqisisimatitassamik.

2013-imi tusarniaaneq aamma kinguneqanngilaq taamani aamma innuttaasunit qisuariartoqanngilaq / siunnersuuteqartoqanngilaq.

Suliaq tassani maannakkut inissisimavoq. Kommunip aalajangerniartussaavaa Eqalunniarneq pillugu Namminersornerullutik Oqartussat Nalunaarutaat nr. 20, 25. august 2005-meersoq malillugu eqaloqarfik ikinnerpaamik ataaseq sorleq ukiuni 5-ni eqqissimatinneqassanersoq.

PUPA kommunalbestyrelsimut innersuussuteqassaaq eqaloqarfik imaluunniit eqaloqarfiit eqqissimatitassaq (t) pillugit.

Tamannalu suliaq ukioq 2014 naatinngitu naammissiniarneqartussaavoq 2015-ip aallartinnerani ileqqoreqqusassap naalakkersuisumit borgmesterimillu atsiorneqarluni piareernissaa pillugu.

**Aalisarnermut- piniarnermullu siunnersorti, Maniitsoq** paasititsivoq:

Eqalunniarneq pillugu Qeqqata kommuniata ileqqoreqqusassaa pillugu upernaq maj-ip qaammataani kommunip tittartagaa aammalu Sivadleq-kut tusarniaaneq ingerlanneqarpoq. Qeqqata Kommunian- ni tusarniaanermi innuttaasut eqaloqarfinnik eqqissimatitassanik siunnersuutissaqarnersut apeqquutigineqarluni.

Tusarniaanermi apeqquummut siunnersuuteqartoqanngilaq.

Sisimiut kommunerisimasaata ileqqoreqqusaa Qeqqata Kommunian- ni atuuttussaq Namminersorlutik Oqartussat suleqatigalugit ingerlanneqarpoq, maannakkumut teknikkikkut allannguutissat inissipput, kisiannili siunnersorteqarfimmiit piniarnermut nakkutilliisut piffissami qaninnermi isumasiulaariarlugit Pisuussutit Umassusillit pillugit ataatsimiittitaliamut oktoberip 14-1ni ataatsimiinnissaanut ileqqoreqqusassap saqqummiunnissaa pilersaarutigineqarpoq.

**Innersuussut**

Kommunalbestyrelse-mut innersuussutigineqassaaq paasissutissat tusaatissatut tiguneqassasut.

**Aalajangiineq**

Paasisissutissiissut oqaaserineqartut ilanngullugit akuersissutigineqarpoq.

**Ilanngussaq**

1. Agathe Fontainip e-mailia 4.9.2014-imeersoq.



**Imm. 15 Akiani A22-p, A23-p aamma A27-p sanaartorfigissaaneq. Paasissutissiineq  
Suliariumannittussarsiuussinerup inerner**

*Journalnr. 17.02 konto 77-16*

Tunuliaqutaq

Teknikkimut Avatangiisinullu ataatsimiititaliap 2011-mi sisamassaanik ataatsimiinnerani imm. 7-ip suliarineqarneratigut, kommunip pilersaaruseriorfigineqarnerani tapiliussassatut nr. 41-tut siunnersuut malillugu Akiata sanaartorfigissarneqarnissaanut kommuni pilersaaruseriorfik akerlilissuteqarpoq.

Pilersaaruseriornermi tunngavissamut tassunga Angallannermut aqutsisoqarfik akerlilissuteqarpoq.

Isumaqatiginninniuteqarnerup kingorna, Akiani avannaatungaani sanaartugassap portussusissaa annikillisillugu sanaartortoqarsinnaanissaanut Angallannermut aqutsisoqarfik immikkut akuersissuteqarpoq, tamannalu tunuliaqutaralugu kommunip pilersaaruseriorfigineqarnerani tapiliussassatut nr. 15-issatut siunnersuuteqarnikkut pilersaarutitigut tunngavissaq nutaaq suliarineqarluni.

Malitsigisaanik sanaartorfigissaanissami pilersaarut pilersaarutitigut tunngavissamut nutaamut naapertuuttunngorsarneqarpoq. Suliaq 2014-imi juunip qulingani Teknikkimut Avatangiisinullu ataatsimiititaliap eqqartorpa suliariumannittussarsiuussinissaq akuersissutigalugu kiisalu Aningaasaqarnermut ataatsimiititaliamut aningaasaqarneq akuereqqullugu innersuussutigalugu. 2014-imi juunip 16-iani borgmesterip aalajangiineratigut, missingersuutitigut sinaakkutit iluini aallartisaanissaq kiisalu 2015-imut missingersuutini 4 mio. koruunit immikkoortinneqarnissat akuersissutigineqarpoq. 2014-imi juulip 21-ni suliariumannittussarsiuussineq ingerlanneqarpoq, tamatumalu missingersuut B-mit akikinnerusumik neqerooruteqartoqarneranik kinguneqarluni, tamanna tunngavigalugu missingersuut A-mi akinut paasissutissiissut naapertuuttunngorsarneqarpoq.

Maleruagassatigut tunngavissat

Nammagassat suliasallu agguataarnissat pillugit Namminersorerullutik Oqartussanik 1998-imi januaarip allaqqaataani isumaqatigiissut naapertorlugu aqquuserngit kuuffissuillu ilanngullugit sanaartorfigissaanissaq kommunip isumagissavaa, sanaartorfissanilu sanaartorfigissaasitsinermi akiligassat, sanaartorfissani nunaminertamik atugassinneqarsimasunit akilersinneqarsinnaallutik. Imerkik innaallagissamillu pilersuutit ilanngullugit pingaarnertut sanaartorfigissaasitsinissaq kommunip isumagalugulu aningaasartuutissanik akiliigallartassaaq, pingaarnertullu sanaartorfigissaasitsinermi akiligassat Nukissiorfiit aningaasaliiffigineqareernerisigut utertinneqarsinnaasarlutik.

Sanaartorfissagissaaneq, pisortat kuuffeqarfinnut aqquuseruutaat aamma pisortat aqqusinuutaat pillugit Inatsisartut inatsisaat nr. 16, 17. november 2010-imeersoq

Pissutsit atuuttut

Pilersaaruseriasap suliariumannittussarsiuunneqarnerani Masanti akikinnerpaamik neqerooruteqarpoq, Akianilu A22-p, A23-p A27-llu sanaartorfigissarneqarnissaanut pingaarnertut pilersaarut nutarternikuuaa. Pilersaarummi nutartikkami A27, Angallannermut Aqutsisoqarfiup immikkut kingullertut akuersissuteqarfigisaa ilanngunneqarpoq, taamaattumillu pilersaaruseriasaqaamut sanilliullugu pingaarnertut aqquusernup takissusissaa aamma erngup innaallagissallu aqquutissaat takinerulaarput. Pilersaarutissatut siunnersuut pillugu Nukissiorfiit eqqartueqatigineqarnikuuvoq, oqaaseqaasiillu pingaarnertut pilersaarummut naapertuuttunngorsarneqarnikuullutik.

Qaqqami qaartiterinissaq, sanaartorfimmilu aqqusinniornissaq kiisalu kuuffissualersuinissamut assaanissaq ukioq manna suliarineqarsinnaassasutut naatsorsuutigineqarput. Pilersuutitut aqqusernerit matoorneqarnissaallu kiisalu aqquuserngup pisuinnaallu aqquutissaat 2015-imi suliarineqassapput. 2015-ip upernaani sanaartorfissani sanaartortitsisut sanaartornissartik aallartissinnaalissavaat.



**Kommunalbestyrelsip septembarip 25-ani 2014-imi ileqqusumik ataatsimiinnera 05/2014  
imaqarnilornera**

Atuilluartaunissakkut kingunerisinnaasai.

Akiani innaallagissamik atuillutik pumpeqarfeqanngitsunik kuuffissualersugassani, immikkoortut A22, 23 aamma 27 kingulliupput. Emiliap Aqqutaani pingaarnertut aqqusineq nangillugu sanaartorfigissaanissaq aningaasaliissutinik pitsaanerusumik atuinerussaaq, bussillu Akianukartarnerini ingerlaarfiisa annertusinerisigut illoqarfimmi bussit sanaartorfigissarneqartussamut ingerlaarsinnaangussallutik.

Aningaasaqarnikkut allaffissornikkullu kingunerisinnaasai

Konto 77-16 atorlugu sanaartorfigissaasitsinissamut ataatsimoortumik killiliussat tassaapput:

Ukioq:	Aningaasaliisoq:	Aningaasat, mill kr
2011	Kommuni	0,529
2013	Kommuni	2,471
2014	Kommuni	5,000
Katillugit		8,000
Pingaarnertut innaallagissap erngullu aqqutissaanut missingersuut A		13,296
- Innaallagissamut erngullu aqqutissaanut Nukissiorfiit akiligassaat		-4,533
Sanaartorfigissaasitsinissamut ilanngaatisat ilanngaatigereerlugit kommunip akiligassaa etape 1		8,763

Pinnguarterfissami pinngussanik 510.000 koruunit missaannik naleqartunik ikkussuinissaq missingersuutinut ilanngunneqanngillat, taamaallaallu etape 1-imi taseq sinerlugu asfaltigaanngitsumik qullilersugaanngitsumillu aqqusineeraliornissaq ilanngunneqarsimalluni. Tamanna tunngavigalugu missingersuut A missingersuut B-mit appasinnerungaatsiarpoq.

Kommuni nammineq nakkutilliisussaammat, akissarsianullu aningaasartuutit sanaartornermut kontomut naatsorsuutinut allanneqartussaannimmata, sanaartorfigissaaneq etape 1-ip naammassisarneqarnissaanut 2015-imut missingersuutinut 250.000 koruunit immikkoortinneqarsinnaapput, siusinnerusukkat missingersuut B-mi 4 mio. koruuniuinngitsut. Kingusinnerusukkat pinnguarterfimmu, aqqusineeqqani qullilersuinermut, aqqusineeqqallu asfaltilersorneqarnissaanut 1,5 mio. koruunit immikkoortinneqarsinnaapput, tamannali immikkoortumi najugaqartussat aatsaat nutserpata pisinnaavoq, tassanngaanniillu atortorissaarutinut pisariaqartitsineq ukioq 2017-imiit ilimagineqarsinnaalissapput.

Erngup innaallagissallu aqputaat ilanngullugit pingaarnertut sanaartorfigissaasitsinissamut katillugit 4,533 mio. koruunit Namminersorlutik Oqartussanut/Nukissiorfinnut suleqatigiinnissamut isumaqatigiissuteqarnissamut qinnuteqaatigineqareerput, ukiunilu 2015-17-imi tamakkiisumi utertinneqarsinnaallutik.

Qullersaqarfiup oqaaseqaatai

Allaffeqarfiup naliliinera

Allaffeqarfiup nalilerpaa, aappaagu aasamit sanaartortitsisussat nunaminertanik neqeroorfigineqarsinnaanissaa anguniarlugu sanaartorfigissaasitsinissaq pinngitsoorneqarsinnaanngitsoq.



### Allaffeqarfiup innersuussutaa

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut innersuussutigaa, aningaasaqarnermut ataatsimiititaliamut innersuussutigineqassasoq:

- 2014-imi juunip 16-iani borgmesterip aalajangiinera tusaatissatut tiguneqassasoq.
- Sanaartorfigissaanermi etape 1-ip sinneranut kommunip 2015-imut missingersuutinut 250.000 koruuninik (4 mio. koruuniunngitsoq) immikkoortitsisoqassasoq, kingusinnerusukkullu aqqusineqqap pinnguarterfiullu naammassisarneqarnissaanut 1,5 mio koruuninik ukiumi 2017 missingersuuteqarfiusumi immikkoortitsisoqassasoq.

### Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap aggustip 19-ani 2014-imi ataatsimiinnerani allaffeqarfiup innersuussutaa akuersissutigineqarpoq.

### Aningaasaqarnermut ataatsimiititaliami kommunalbestyrelsimilu siusinnerusukkut suliap suliarinera

Juunip 16-ani 2014-imi borgmesterip aalajangiinera, aningaasaqarnermut ataatsimiititaliap aggustip 19-ani 2014-imi ataatsimiinnerani kommunalbestyrelsimilu aggustip 28-ai 2014-imi ataatsimiinnerani, paasissutissatut tiguneqarpoq.

### Borgmesterip suliamik suliaqarnera

Aningaasaqarnermut ataatsimiititaliaq kommunalbestyrelsilu sinnerlugit septembarip 3-ani 2014-imi borgmesteri aalajangiivoq,

Sanaartorfigissaanermi etape 1-ip sinneranut kommunip 2015-imut missingersuutinut 250.000 koruuninik (4 mio. koruuniunngitsoq) immikkoortitsisoqassasoq, kingusinnerusukkullu aqqusineqqap pinnguarterfiullu naammassisarneqarnissaanut 1,5 mio koruuninik ukiumi 2017 missingersuuteqarfiusumi immikkoortitsisoqassasoq

Aalajangiineq pillugu aningaasaqarnermut ataatsimiititaliaq kommunalbestyrelsilu tullissaanik ataatsimiileruni ilisimatinneqassaaq,

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 16-ani 2014 ataatsimiinnermini innersuussut akuersissutigivaa.

### **Innersuussut**

kommunalbestyrelsimut innersuutigineqarpoq paasissutissiissut tusaatissatut tiguneqassasoq.

### **Aalajangiineq**

Paasissutissiissut tusaatissatut tiguneqarpoq.

### **Ilanngussaq**

1. Sanaartorfigissaanermut missingersuut A kiisalu Nukissiorfiit akiligassaat.



**Imm. 16 Tamalaat**

Malene Ingemann: Sermersooq kanukoka-miit animmat , kanukoka atorluarnerunissaa eqqartorneqarnissaa kissaatigaa.

Borgmesterip oktobarip 30-iani 2014 kommunalbestyrelsimi oqaluuserineqassasoq innersuussutigivaa.

Alfred Olsen: Atuarfinni Ipad-imik antenellersorneqarneq pillugu:  
Tønnes Kretzmann Kangaamiuni attaveqarneq apeqqutigivaa:

IT-chef-ip suliap killiffia nassuiaatigivaa.

